

20  
21

**ISLA ((•)) ONLINE**

Diahuebs 28 October 2021

Email: [IslaOnline@gobierno.aw](mailto:IslaOnline@gobierno.aw) Tel: 528-4952

**Aruba mester di  
nos TUR!**



Gabinete Wever - Croes II





**PROME MINISTER Evelyn Wever-Croes**

Asunto General, Innovacion, Organizacion Gubernamental, Infraestructura y Planificacion Teritorial

## Reunion publico den Parlamento: Reglamento di orden di Ministerraad nobo Pa motibo cu Gobernacion no por a para durante inicio di Covid **CONSEHO DI MINISTER MESTER A BAY NA FORMA VIRTUAL**

Diahuebs 28 di October, a tuma luga den Parlamento di Aruba e reunion publico riba e tema di Reglamento di orden di Ministerraad nobo, cu mester a wordo adapta durante inicio di Covid. Prome Minister Evelyn Wever-Croes den su contestanan, a enfatisa cu ora cu Covid a cuminsa aña pasa mester a bay den shelter in place y tur hende mester a cera curpa paden. Sinembargo, gobernacion no por a para pasobra tabata tin hopi decision pa tuma. Tabata tin decision den cuadro di crisis pero tambe otro decisionnan.

“Na e momento ey nos a dicidi di bay explora e posibilidad di bay traha virtual pa diferente motibo. Nos no tabata tin un sala na unda tur minister por a sinta hunto mantene e reglanan stipula pa combati Covid y tabata tin ministernan cu mester a bay den cuarentena. Como Gobierno, ta importante pa tur minister por tabata presente den un Consejo di Minister cu excepcion si e minister ta echt malo of e ta cu vakantie”, Prome Minister a duna di conoce.

Despues di a dicidi riba e cambio aki, Gobierno a pone esaki den man di IT pa garantiza y sigura cu e sistema aplica ta sigur caminda informacion no ta lek ni tampoco wordo gehacked y e privacidad tambe wordo sigura. Unabes cu a haña e aprobacion,

e plan pa bay digital cu Ministerraad a sigui. Prome Minister a remarca, “Mi no sa mucho di IT pero mi a laga nan evalu’e y mi a laga nan repasa pa ta sigur y garantiza cu informacion di Consejo di Minister no sali riba caya”.



Prome Minister a duna di conoce cu no ta tur reunion a bay na forma virtual pero solamente si tabata necesario. E mandatario ta di opinion cu reunionnan di Consejo di Minister mester ta den persona pa ta mas efectivo ora di tuma decision, delibera, propone y fiha maneho. Reunionnan virtual a traha ora tabata realmente necesario. Ciertu momento Gobierno a cuminsa traha tambe cu cierto schedule pa fiha cua grupo ta

na trabou na principio di e crisis. “Asina mes, diferente biaha toch ministernan mester a reuni hunto cu excepcion di esun cu ta den cuarentena. El a funciona. Mi ta contento cu nos a haci e cambio e tempo ey pasobra el a permiti nos continua cu trabounan”, Prome Minister a enfatisa.

Na final di e contesta riba e tema aki, Prome Minister a bisa: “Nos ta den un era di digitalisacion y innovacion y den e cuadro aki un cambio asina ta hopi importante pa digitalisa procesonan y pa tene reunionnan virtual”.



# **Prome Minister Evelyn Wever-Croes:** **Reunion publico den Parlamento:** **Reglamento di orden di Ministerraad nobo** **RETIRO DI MARISOL LOPEZ-TROMP** **A BAY SEGUN REGLA**

**“Na momento cu bo fraccion no kier bo mas, bo no por keda minister pasobra no tin minister independiente”**



Un contesta cu Prome Minister Evelyn Wever-Croes a duna y a expresa cu ya den varios ocasion el a clarifica e punto aki caba, ta tocante e retiro di ex Minister y actual Parlamentario Marisol Lopez-Tromp.

Na October 2020, Fraccion di POR a expresa cu nan no tin confiansa den nan minister mas, esta Marisol Lopez-Tromp. Den e tempo ey, Prome Minister a purba intermedia entre e ex Minister y su Partido POR, pero no a logra trece nan hunto. Partido POR a keda insisti cu nan no tin confiansa den nan minister. Fraccion POR a bay Parlamento cu un mocion y ora di vota a expresa nan mes cu nan no tin confiansa den e minister. “E ta un regla cu na momento cu bo fraccion no kier bo mas, bo no por keda minister pasobra no tin minister independiente. Dus si bo fraccion bisa bo esey y abo kier wanta na e stoel anto bo ta buscando problema”.

Como lider di Gabinete Wever-Croes I, Prome Minister mester a haña sosten di Fraccionnan den Parlamento entre otro cu Presupuesto y leyman, sinembargo e ex minister no tawata conta cu e sosten y confiansa di su mesun Fraccion di e tempo ey. Prome Minister a tuma contacto cu e ex minister y a notific’e cu e falta di sosten y confiansa aki ta un problema pasobra den caso cu e ex minister bin Parlamento cu un mocion pa infraestructura y su fraccion vota contra, e ley no ta pasa.

“Mi a pidie nos papia pero e no a bin papia nunca, despues di 3 dia mi a yame bise nos tin cu papia pasobra e ta trancando gobernacion. Mi a core su tras tres dia aunke cu trabounan di covid tabata hopi. E no a show up niun dia”.

Prome Minister a enfatisa cu despues di varios intento pa dialoga cu e ex minister a fracasa, no a keda Consejo di Minister nada otro cu retira e ex minister. Gobierno a cana e procedura corecto y legal, e peticion di retiro a bay Gobernador, despues a bay Parlamento y Parlamento a aporba e retiro cu un mayoria legitimamente, esta e fraccionnan di MEP, RED y POR, 12 voto na favor.

“Esaki ta e storia real. E simple hecho cu e ex minister no kier a bin papia cu mi pa purba resolve e diferencia cu su fraccion den Parlamento, a causa su retiro di Gabinete Wever-Croes I. Pasobra Marisol ta pretende di ta mara na un stoel di minister pa poder of algo mientras el a perde confiansa di su fraccion y partido”.

Prome Minister a accentua cu Gobernacion ta traha hunto. Les constitucional 1 ta papia di regla di confiansa. Contrario na minister, na momento cu un parlamentario huramenta, e ta miembro di Parlamento. Na momento cu e no ta di acuerdo cu su fraccion, e ta bay otro banda y bira independiente. Esaki no ta asina pa un minister pasobra aki si regla di confiansa ta hopi importante.

Prome Minister na Parlamentario Marisol Lopez-Tromp: “Bo Fraccion di POR tabata tin hopi problema cu bo y nan a bisa bo cu nan no tin confiansa mas den bo. Mi a purba intermedia y a pidi bo 3 dia largo pa ban papia y bo no tabata kier. Y e secretaria a manda bo un email cu e landsbesluit y bisa bo cu bo mester entrega bo badge, laptop accessorionan, Macbook y iPad. Awor bo ta yora cu bo no a haya chens pa haci traspaso? Mi ta kere cu papia berdad pa bo, Marisol Lopez-Tromp, a bira mas excepcion cu regla. Gañamento y bay na nivel abou a bira normal pa bo. E berdad ta keda, bo a wordo retira pasobra bo fraccion a perde confiansa den bo y nan no tawata kier a sostene bo mas”.



# **Prome Minister Evelyn Wever-Croes: Reunion publico den Parlamento: Reglamento di orden di Ministerraad nobo Contrario na Marisol Lopez-Tromp cu ainda no a entrega ekiponan di trabou** **GABINETE WEVER-CROES SI A TRASPASA DI UN GABINETE PA OTRO NA UN MANERA DRECHI**



Durante e reunion publico den Parlamento diahuebs 28 di October, Parlamentario di e Fraccion MAS, señora Marisol Lopez-Tromp a sugeri cu ora un minister wordo manda cas, manera tawata su caso aña 2020 den pleno pandemia, pasobra su fraccion no tawata kier e mas, cu e mester haya tempo pa inventarisa y entrega, trabounan of documentonan pendiente y ekiponan cu el a uza. E punto cu e ex minister retira y awo Parlamentario ta cu un minister cu a wordo retira no por hiba ekiponan su cas manera tawata su caso tambe.

Prome Minsiter, pa contesta Parlamentario Lopez-Tromp a bisa: "E Parlamentario aki ora el a wordo manda cas, a bay cas cu un laptop, un Apple Macbook, y iPad y te cu awe nos ta wardando riba dje pa e entrega nan".

Secretaris di Ministerraad ta encarga cu esaki. A manda

Parlamentario Lopez-Tromp varios carta cu e la firma cu el a ricibi nan pero te ainda e no a entrega e ekiponan menciona. Prome Minsiter a tuma e ministerio aki over y esaki kiermeen cu Prome Minsiter su departamento ta trahando cu un Apple Macbook y iPad menos.

"Awor e Parlamentario kier puntra of sugeri tocante tempo pa inventarisa y traspasa? Gabinete Wever-Croes ta un gabinete di hende drechi, nos a traha como hende drechi y traspasa di un gabinete pa otro na manera drechi. Danki Dios na esaki e traspaso a bay bon. E efectividad di un traspaso ta depende di e persona cu tin cu haci e traspaso. Den caso di Lopez-Tromp, esaki no ta e caso, su traspaso di trabou, documento ni ekipo, a bay na e forma drechi y corecto", Prome Minister Evelyn Wever-Croes a duna di conoce.



Gobierno di Aruba

OCTOBER  
LUNA DI

ADULTONAN  
**MAYOR**

**INNOVACION**

**20  
21**

**DANKI NA E METODO DIGITAL  
NOS GRANDINAN POR A KEDA MAS  
DEN CONTACTO CU FAMILIANAN  
DURANTE E PANDEMIA**

“Nos mester por duna nos adultonan mayor tur e hermentnan necesario pa no perde nan autonomia pa motibo di no sa con pa uza tecnologia digital”

*Evelyn Wever-Croes*

Prome Minister





# MINISTER XIOMARA MADURO A BISHITA E PROYECTO DI AMPLIACION OCEAN VILLAS

Ariba invitacion di e propietario nan diadomingo ultimo Minister di Finansa y Cultura sra. Xiomara Maduro a haci un bishita di cortesia na e proyecto di ampliacion di Ocean Villas na Savaneta. E mandatario por a aprecia e fruta di e esfuerzo di un dama Arubiano sra. Osyth Henriquez. Ocean Villas ta amplia su facilidad y ta prepara pa por brinda turista un experiencia unico di Aruba. Tabata un atardi bunita na unda por a biba un tiki di e experiencia unico cu e acomodacion aki ta brinda. E mandatario ta gradici sra. Osyth y staff di Ocean Villas pa e invitacion, splicacion y e hospitalidad y ta desea nan hopi exito. Masha danki pa kere den nos pais Aruba.





Continuacion MINISTER XIOMARA MADURO A BISHITA E PROYECTO....





# MONUMENTENBUREAU A HACI ENTREGA DI PROYECTO DI MANTENCION DI DEPARTAMENTO RECURSO HUMANO, DRH

Recientemente Monumentenbureau a haci entrega di proyecto di mantencion di Departamento Recurso Humano, DRH.

Cu imenso placer y satisfacion, Monumentenbureau ta anuncia cu trabounan di mantencion pa cu e edificio Monumental di Departamento Recurso Humano (DRH) a yega na su final. Conoci como ex-De Arend Petroleum Maatschappij y ex-oficina di turismo. Den presencia di Director di S&L Contractor N.V. sr. Larry Nedd y Director di Monumentenbureau, sra. Yvonne Webb-Kock a firma e procesverbaal pa cu e finalisacion di e proyecto. Personal di DRH a keda sumamente contento y gradicido con bunita e interior y exterior di e edificio a keda.

Sigur cumpliendo cu e deseonan cu detayenan moderno y un ambiente agradabel. Un proyecto cu a topa algun contra tiempo pero cu a termina cu un bunita resultado. Durante di trabounan a descubri un pida vloer historico cu a wordo treci bek den su estado original. Monumentenbureau ta gradici Gobierno di Aruba, Minister di Asuntonan general sra. Mr Evelyn Wever-Croes, Minister di Finanzas, Economia y Cultura, sra. Xiomara Maduro, y Departamento Recurso Humano pa e confiansa y e fondonan aloca pa realisa e proyecto di mantencion.

Monumentenbureau tambe ta gradici S&L Contractor N.V. subcontractor Aruba Climate Control N.V., personal di Monumentenbureau, DRH y tur esnan cu a haci e proyecto aki posibel, specialmente na e personal di DRH pa nan pasenshi. Monumentenbureau ta sigui aporta na mantencion di nos Monumentonan.







## COMUNICADO DI PRENSA

### **Banco Central di Aruba ta recorda publico riba e elementonan di siguridad di e biyetenan di Florin di e serie 2019**

---

Ta importante pa e publico na tur momento pone atencion riba e elementonan di siguridad di e biyetenan di Florin di e serie 2019.

E elementonan di siguridad cu ta mas facil pa reconoce ta:

- **E marca di awa di Shoco:**  
E marca di awa aki ta visibel banda dilanti y patras di e biyete. Si tene e biyete di Florin contra luz, por busca e imagen di e Shoco den diferente tono cu tin tambe den dje e logo di CBA.
- **E Prikichi cu su inkt cu ta cambia di color:**  
Riba tur biyete tin un representacion di un cabei di un Prikichi. Si bo move e biyete, na e cabei di e Prikichi por mira un cambio di color di oro pa berde cu efecto di un ola. Esaki ta visibel banda dilanti di e biyete.
- **Registro transparente:**  
Si tene e biyete contra luz, parti dilanti y patras di e biyete por wak patronchinan di liña cu hunto ta forma e denominacion, por ehempel 10, 25, etc.
- **Strepi 3D cu ta refleha movecion di rayonnan di solo y strea:**  
Riba tur biyete tin mas abou un strepi cu elementonan tridimensional (3D). Si move e biyete por mira e rayonnan di solo move y e gota tridimensional cu ta hasi e streanan bou di dje mas grandi. Esaki ta visibel parti dilanti di e biyete.

Si ta desea di haya foyetonan tocante e elementonan di siguridad di e biyetenan, por busca nan na Banco Central di Aruba (BCA). Tambe por download esaki via e siguiente link, **New Bank Notes 2019** ariba e website [www.cbaruba.org](http://www.cbaruba.org) di BCA.

Si ta desea di haya training pa bo negoshi of mas informacion, por tuma contacto cu departamento di Cash Operations & Logistics di Banco Central di Aruba na telefon 525-2139 / 525-2141.





**Minister Dangui Oduber:**

# **ARUBA HEALTH APP TA SIGUI EVOLUCIONA PA FACILITA CUIDO NA ARUBA NA UN MANERA INNOVATIVO**

**MOU entre Ministerio di Salud Publico y Stichting BOB  
a keda firma**



Diahuebs mainta a tuma lugar e firmamento di un Memorandum Of Understanding (MOU) entre Ministerio di Salud Publico y Borstkanker Stichting Bevolkingsonderzoek Aruba (BOB).

Esaki a sosode den cuadro di e plan nacional multisectoral di prevencion di NCD's 2020-2030. Por medio di e colaboracion aki e personanan den e grupo identifica por schedule nan afspraak na un manera mas eficiente pa por haci nan screening preventivo na tempo y liher. Lo haci uzo di e Aruba Health App (AHA), cu lo bin na vigor entrante januari 2022.

Door di haci uzo di e AHA e trabounan ta bay na un manera mas eficiente y tambe ta mas facil pa yega na e comunidad den cuadro di prevencion di malesanan cronico. Den e caso di stichting BOB esaki ta nifica cu nan lo por haci deteccionnan na tempo di cancer di pecho pa asina trata esaki na tempo y preveni posibel complicacionnan.



E AHA ta bay percura pa hisa e nivel di servicio pa cu e cliente. Via e portal di e AHA e cliente di BOB lo haya acceso na BOB su sistema digital y asina por haci su afspraak pa screening. Di e manera aki e cliente tin mucho mas transparencia, e cuida ta netamente den bo man atraves di e Aruba Health App.

Minister a señala cu screening di cancer na pecho na tempo por evita complicacionnan a largo plaso cu por tin hasta morto como consecuencia. Ta hopi importante pa ta na tempo ora ta trata di bo salud pesei Minister Oduber ta keda zorg pa trece e tipo di innovacionnan aki cu ta facilita e comunidad di Aruba.

E mandatario a elogia e trabounan cu e stichting ta haciendo den cuadro di prevencion y tur locual cu nan ta hacienda pa cu e cuida di e comunidad di Aruba. Minister Dangui Oduber kier a gradici DVG y Sr. Lucas cu ta e voorzitter di Stichting BOB, esaki ta muestra cu trahando hunto bo ta logra.



# PRESENTACION DI MINISTER DANGUI ODUBER

## CONFERENCIA DI PRENSA 28 OCT 2021:

### Estilo di bida saludabel, un estrategia di prevencion

- Colaboracion entre DVG, PAHO y Ministerio di Salud Publico
- Informacion y Educacion tocante habitonan saludabel
- Programa gratis cu guia di expertonan di salud



### Pakico "estilo di bida"?

- Habitonan diario tin mayor impacto ariba desaroyo di malesanan no-comunicabel (NCD's)
- Base pa un sistema inmunologico fuerte
- Por ofrece guia individual pa diferente necesidad




### Areanan di enfoke

#### Mehoracion di Habito:

- Cushina na Cas
- Haci Movecion
- Drumu suficiente
- Maneha Stress
- Higiene di Man

#### Correccion di Habito:

- Sobre-uso Digital
- Huma Cigaria
- Abuso di Alcohol
- Comemento Emocional



### 30-Day Challenge

- Enfoke ariba 1 cambio di habito saludabel
- Guia gratis di un Profesional di sector di Salud
- Grupo priva atravez di Facebook
- Challenge ta cuminsa Januari 2022




### Nutricion Meal Planning Challenge

Iraida Thijzen  
Nutricionista, IBISA



### Movecion #movenabomanera Challenge

Aldrick Maduro &  
Sheryl Arendsz-Croes  
Trainers Certifica



### Drumimento #bettersleep Challenge

Judelca Briceno  
Psicologo



### Higiene #higienadiario challenge

Marjolyn Maduro  
Infectiepreventie Medewerker  
HOH



### Maneho di Stress #mindfulness challenge

Carolina Pieters-Janer  
Psicologo



Sigui nos atraves di  
rednan social

Facebook: @arubasaludabel

Instagram: @yourlifestyleyourmedicine

[www.arubasaludabel.com](http://www.arubasaludabel.com)





**MINISTER Endy Croes**

Enseñansa y Deporte



## MINISTER ENDY CROES A BISHITA CAS DI MI CHEPA

Diadomingo ultimo Minister di Enseñansa y Deporte Endy Croes a bishita e 'open dag' di introduccion y exhibicion di cas di cuida pa nos grandinan; Cas di mi Chepa, cu pronto lo habri su portanan oficial.

Cas di mi Chepa tin un espacio pa 35 cliente den un atmosfera masha agradabel y tin cuida di nos grandinan hopi na pecho. E ekipo di Cas di mi Chepa kier haci e diferencia optimal

den cuida di excelencia y enfermeria aki na Aruba pa nos grandinan.

Por ultimo mandatario a gradici pa e bunita y caluroso recepcion alabes felicita e directiva di Fundacion Cas di mi Chepa; presidente Natalys Wever - Garcia, Michael Wever secretario, Amber Daryanani – Garcia tesorera y henter e staf y personal. Pabien y hopi exito cu e tremendo proyecto.





# Minister Endy Croes: NOS TA TRAHA PA SOLUCIONA E PREOCUPACIONNAN DEN ENSEÑANSA



Durante conferencia di prensa e mandatario di Enseñansa y Deporte Endy Croes a informa cu siman pasa su persona a realisa un bishita JFK Education Center y a cera conoci cu diferente departamentonan manera entre otro; Directie Onderwijs, Inspectie Onderwijs en Bureau Leerplicht, DUOS y DPS tur cu ta resorta bou Ministerio di Enseñansa. 'Tabata un dia hopi fructifero, nos a ricibi excelente presentacion di cada departamento, unda nan a duna informacion, expresa nan inkietud y cambionan cu nan lo desea di mira pa futuro pa asina hunto nos traha pa un miho Enseñansa pa Aruba', e mandatario a expresa.

A acumula tur informacion di cada un di e departamentonan y asina nos por traha un plan unda nos por cumpli cu cada departamento pa nan ta bon ekipa tin material, e deseonan y e parti huridico bon regla. Unda tin hende contento ta traha Aruba ta wordo sirbi na final.

E mandatario di Enseñansa a resumi algun di e preocupacionnan cu a wordo treci dilanti durante e presentacion:

Directie Onderwijs: Minister Croes a indica cu algun di e preocupacionnan di Directie Onderwijs ta entre otro su

'Formatie Plan' y 'Deskundigheids Bevordering'.

Inspectie Onderwijs: Introduccion di un WOT 'Wet op Toezicht' y reenforza e parti di control pa por eherce mas control simultaneamente na scolnan.

DPS: A pidi atencion pa implementacion pa un sistema di data pa conecta scolnan cu DPS y na su turno DPS via un 'interface' manda su data pa Directie Onderwijs. Un otro problematica cu ya tin nos atencion y nos ta trahando pa soluciona ta e 'invalsters'. Nos ta bay bin cu un maneho, nos ta en espera di consheo y calculacion pa asina por cubri e parti aki pa asina nos tin nos maestronan cu ta funciona como 'invalsters' y asina brinda oportunidadnan na e scolnan por haya 'invalsters'. Tambe a bin pa dilanti e falta di 'sociale medeweksters'. Nos tin diferente plan nos lo papia cu e veld cu departamentonan encuestion pa por structura esaki na un miho manera y asina duna contenido tambe na e parti di enseñansa den su totalidad.


'Nos a yega, nos ta scucha, nos ta busca solucion y nos ta actua, nos ta kere de bienestar general di pais Aruba den loke ta trata enseñansa ta wordo asina miho sirbi' e mandatario a expresa.





# Medidanan na Vigor

**Ora di cera pa HORECA 1:00 AM y pa sector CASINO 2:00 AM**



## HORECA

- Maximo 8 persona na mesa den restaurant, paden y pafo.
- Bars y Rumshops maximo 4 persona na mesa, paden y pafo.
- Ora di cera ta 1:00 a.m. y Casino 2:00 a.m.



## TAPABOCA

Uzo di tapaboca ta keda obligatorio, den tur establecimiento, incluyendo gym y school.



## COMERCIO

Comercio ta bek na 100% capacidad (cinema, tienda, supermercado, misa). Entiero ta permiti un maximo di 150 persona (si espacio ta permiti).



## ENTRETENIMIENTO MUSICAL

Ta permiti musica di background solamente y maximo 5 musico.



## BEBIDANAN ALCOHOLICO

Uzo di alcohol riba propiedad publico ta keda prohibi henter dia.



## DEPORTE

- Publico; Un maximo di 150 persona paden y 250 persona pafo.



## GEBIEDSVERBOD

Riba area publico: Parking lot, beach entre 7:00 p.m. - 5:00 a.m.




## BISHITA, FIESTA Y ENCUENTRO SOCIAL

Bishita na cas, fiesta y encuentro social na cas of otro caminda ta permiti, cu un maximo di 150 persona paden y 250 persona pafo.



## ESTABLECIMIENTO NOCTURNO

- Ta permiti un maximo di 150 persona (si espacio ta permiti).
- Den tur establecimiento nocturno por tin solamente hende sinta.
- Ta permiti musica di background solamente y maximo 5 musico.
- NO ta permiti pista di baile. Solamente Satellite Dancing (canto di mesa),



## SAMENSCHOLINGS-VERBOD / AGLOMERACION

Un maximo di 8 persona.



## VACUNA WALK-IN 12+

Na DVG: Dialuna pa Diabierna • 8:00 te cu 11:30 a.m. (y 1:00 - 6:30 p.m. diaranson so)



# Departamento di Salud Publico: UPDATE 28 DI OCTOBER 2021

Segun resumen di awe 14 persona a recupera y un total di 17 caso nobo di COVID-19 a keda registra di cual 3 ta no-residente. E cifranan aki ta representa un 'Positivity rate' bou di nos residentenan di 6%.

E cantidad di casonan activo di COVID-19 pa awe ta 177 y cantidad di fayecidonan relaciona cu COVID-19 ta 171. Datos

ta ilustra casonan nobo di COVID cu un average semanal di 15 caso pa dia y un averahe di 'positivity rate' semanal di 10% pa dia.

Actualmente na Aruba tin 13 persona interna debi na COVID di cual den ICU tin 3 persona, riba piso general tin 10 persona y na Colombia tin actualmente 16 persona den Cuido Intensivo.

28/10/2021	TOTAL	RESIDENTE	NO-RESIDENTE
<b>Casonan Nobo</b>	17	14	3
Activo	177	162	15
<b>Recupera</b>	15534	14086	1448
Positivo	15882	14416	1466
<b>Morto</b>	171	168	3
Vacuna	82555	-	-
<b>Hospitalisa</b>	13	-	-
AUA			
ICU	19	-	-
AUA COL	3 16		

HABITONAN PA KEDA  
**Saludabel**  
DEN TEMPO DI COVID-19 Y VACUNACION



MINISTERIO DI TURISMO,  
SALUBRIDAD PUBLICO  
Y DEPORTE



**VACUNA**  
PA NOS POR  
progresar

## Prepara alimento den famia

Involucra bo yiunan den e preparacion di cuminda. Cushina por ta un bunita oportunidad pa comparti y promove habitonan saludabel den famia. Siña bo yiunan e balor nutritivo di cada ingrediente. Mostra nan e manera mas saludabel pa cushina cada producto. Mas bo cushina na cas cuminda nutritivo, mas saludabel bo lo keda. Pa combati COVID-19 bo mester mantene bo salud y vacuna, ya cu ta comproba cu e vacuna tin un efectividad halto pa proteha bo y evita transmision. Ban uza tur e hermentnan cu nos tin pa caba cu e virus aki na nos isla!

**Ami SI**  
ta vacuna!



Mantene 1.5M  
minimo di distancia



Laba man  
frecuentemente



Uza tapa boca  
paden di tur lugar.

**VACUNA!**





*Un Feliz Dia*

**ISLA ONLINE**

NOTICIA DI GOBIERNO